



Bájkkeavijssa NuorttaSálto

Duodjebáلكká Vuodnabat- Gáddjáj

Duodje Nordlándá ja Árrana ávdás sávaj Svenn-Egil Knutsen Duolljá gájkajda buorisboahthem biebbmo- ja lávllomiehkedij julevsáme guovdátjin vásse bierjjedagá. Danna sán duodjebáلكká Kaja Andersenij vattij, guhtimusj le duojijn viessomájgev barggam.

Moaddása lidjin tjáhkkanam aktan hávsskudalátjit ja lávlotjit. Dán iehkeda ávddála lij Duodje Nordlándá javllam siján lij tjegosvuohta tjanádum hávsskudallamij. Ja dán iehkeda hiebjav suollevisáv bigodit.

- Dáv lip guhkes ájgev juo vuordatjam. Sihtap guddnedit ulmutjav guhti le luottajt duolmmum duodjeværáldij ja ihkeva stuor bargov duoje ávdás dahkam, javlaj Duodje Nordlándá jádediddje, Svenn-Egil Knutsen Duolljá.

Dála tjuovvu Svenn-Egil Knutsen Duolljá hálla vuojttáj guddnebáلكká:

- Duodje, sierraláhkáj dibmaduodje, le árrum suv hárdesvuohta ja iellem vargga viessomájgev. Árabu tjavtjan állij sán “muhtem” jage. Vilá le duodje ja goarrom suv iellem.

Sán lij vuostasj ulmusj Hellmávvas guhti realskávláv váttisj. Gásluovtan lij dat. Jahket ávddála váttisj Fylkkaskávlán Fuoskon. Sán lij ájnna næjtso danna láhkámin fysihkav ja kjemifágav – suv klásson lidjin guhtta báhtja duodden dán næjtsuj gen birra dálla giehtov, ja gávk ietja javllá: “mán lidjiv giehtit báhtja klásson”.

Sán lij vuostasj nissun formannskáhpén Divtasvuona suohkanin ja vuostasj njunnjusj Sáme nammadusán Nordlándá fylkkasuohkanin, dát lij jagen 1981. Sán le barggam vissjalit ássij ma guoski sebrudagáv, árrum buosjáv, vijses ja hoallá. Sán le vuojnnám tjelggasit ávddálijguovlluj mij guoská avtadássásasjuohtaj, 1960-lágon. Sán le barggam duodjeáhpaddidjen

vuodoskávlán 70-lágo vuostasj jagijt, Gásluovta skávlán, gánná giehtov sámij viessoma birra duodden biebbmokursaj skávlá gievkánin. Sán le aj barggam joarkkaskávlán ja allaskávlán. Sán oassálasstij vuostasj duodjekursan Nuortta-Vuona áhpaddidjijda. 1980-lágon formaliserij ietjas máhtudagáv gá lágoj duojev Alta allaskávlán vuostasj jagev, ja nuppát jagev Guovddagæjnón. Lev aj gullam sán bagádaláj ietjas áhpaddidjijt gáktu goarrot ja duodjuhit. Sán le jagijt tjadá áhpadam, ávddála ja mannela, Bådádjo allaskávlán, vuodoskávlán ja állessjattuk-áhpaddimkursajn, iehketkursajn. Ja vilá ulmutja suv guossidi ja sihti viehkev. Muhttijn “tjiekhusin” bagádallá ietjádijit ietjas goarromlanján. Lev gullam 1970-lágon ásadin duodjekursav biednagoaden Ájluovtan.

Sán lij akta idealistajs gudi vuododin duodjeorganisasjávnnáv Julevsámij Duodje. Dat lij jagen 1981. Sán le aj tjáhkáham rijkkaorganisasjávnnán Sáme Duoje stivran, ja ájrrasin Sáme Áhpaddusráden. Sán le diehttelis uddni sebrulasj Duodje Nordlándan.

Sán le sjuggelis duodjáj ja le ávddánbuktám duov dáv tjáppa biktasav: -gástadibmáj, -skalluj, -hejajda, -hávdádábimáj, ja ietjádakkir dáhpadásájda. Vilá vuojnnep suv skirtov anon. Dat le ádáájjgásasj variánnta dálusj julevsáme káránskirtos.

Sán le gárrum gáptijit, gahperijit, bávsájt,

skirtojt ja snjisskum avijit ja listojt. Láhtám le vuoddagijt, bárggeldam ábnasijit biesses ja dájves. Gárrum le doahkogáptijit, tjállám julevsáme doahkogirjev aktan skándaj ja vadjasij majt ietja le sárggum. Sán le tjiehpes bivtagoarro ja diedon moattebelak duodjáj. Ij le sán ga ballam gæhttalimes ábnasij barggat majna ienemusát kárána barggin; duola degu nijbe, guvse ja ietjádjoje tjoarves ja dávtes. Jus sán illim, de iv jáhke lijma vuojnnep nav állo gáptegisájt uddni. Sán le duojev vuojnnusin dahkam Divtasvuona rájáj álggolín. Sán la kurssim Svieriga bielen, mannam duok diek ietjádjoj siegen vuosádalátjit duojev ja snjisskomteknihkav duola degu Hamburgan Tysklándan, ja iesj diehtá gánná le sán mannam?! Guovte jage dás ávddála oattjoj Divtasvuona suohkana guddnebáلكká ietjas bargujn duojijn. Nav gáktu gullabihtit; sán le ietjádjoje

“duodjeinstitusjávnná”. Ja sámmi láhkáj máhttá javllat giela birra. Moattes, sierraláhkáj giellakonsulenta ja ietjádjoje giellabargge, gá dárbahi rádev giellaj duon dán báhkuj ja grammatihka hámiij birra, de le sán viesso báhkogirje gæstta moattes ávos bessi gatjádallat. Munji le dát stuorra guddne gá besav Duodje Nordlándá ávdás ja Julevsáme Duoje ávdás, aktan sijá ávdep ájrrasij ja ietjádjoje julevsáme duodjárijs duoppet dáppet. Mij sihtap uddni guddnedit Vuodnabat-Gáddjáj. Gáddjáj, dán le viehkedam ja sujttim ietjádjoje ja illa ávvá asstam goarrot káffavuossatjav allasit?! Ja dála dunji juojddá majt iv jáhke le ávddála vuojnnám - dát le jáffovuossa aktan jáfoj javllarusstimij. Mij sávrap dunji gájkka buorev, ja sávrap vieso buoragijt gájt de tjuohtejagágin, vaj máhtá mijáv bagádit ja gærgat ietjat prosjevtaj, duola degu dav ájnas prosjevtav duodjeterminologijajn mij aj le nav dárbulasj sámegeillaj.

ALLE FOTO:
ANNE KALSTAD
MIKKELSEN

Báلكká vattij, fármastuváj. Svenn-Egil Knutsen Duolljá, Duodje Nordlándá jádediddje vattij duodjebáلكká Kaja Andersenij. Duodje Nordlándá vattos lij káffavuossa káfaj, jáffovuossa jáfoj, giedjek ja 2000 krávná. **Gav pris, fikk klem.** Svenn-Egil Knutsen Duolljá, leder i Duodje Nordlándá overrekte duodjepris til Kaja Andersen. Gaven fra Duodje Nordlándá inneholdt en kaffepose med kaffe, en melsekk med mel i garvet skinn, en blomst og en pengegave på kr 2000



Hávsskudallam láptán. Biebbmo- ja lávllomiehkedij lidjin moattes tjáhkkanam. Hávsskudallin lávllagij ja njálga biebbmoj. **Trivelig på loftet.** Mat- og sangkvelden trakk mange, som koste seg sammen med blant annet samiske sangtradisjoner og god mat.

Járggálibme:
Divte Media AS / Ingrid Kintel